



## **ATA OFISIAL DI KUMITÉ SKULAR DI BOSTON FORSA TAREFA DI ADMISONS NA SKOLAS DI IZAMI**

**tersa-fera, 13 di Abril di 2021**

Forsa Tarefa di Admisons na Skolas di Izami di Kumité Skular di Boston rializa un riunion rimotu dia 13 di Abril di 2021, 17:00 na Zoom. Pa más infurmasons sobri kualker un di itens listadu li baxu, vizita <https://www.bostonpublicschools.org/esataskforce>, email [feedback@bostonpublicschools.org](mailto:feedback@bostonpublicschools.org) o tilifona pa pa Gabinete di Kumité Skular di Boston pa (617) 635-9014.

### **PRIZENSA**

Menbrus di Forsa Tarefa di Admisons na Skolas di Izami Prizenti: Ko-Prizidenti Michael Contompasis; Ko-Prizidenti Tanisha Sullivan; Acacia Aguirre; Simon Chernow; Matt Cregor; Zena Lum; Zoe Nagasawa; Rachel Skerritt; and Rosann Tung.

Menbrus di Forsa Tarefa di Admisons na Skolas di Izami Auzenti: Katherine Grassa; Tanya Freeman-Wisdom; y Tamara Waite.

Pesual di BPS Prizenti: Monica Roberts, Xefi di Gabinete di Prumuson di Studanti, Familia y Kumunidad; Corey Harris, Xefi di Gabinete di Prestason di Kontas y Monica Hogan, Directora Izikutivu Sénior di Gabinete di Dadus y Prestason di Kontas.

### **DUKUMENTUS APRIZENTADU**

[Ajenda](#)

[Ata di Riunion: 30 di Marsu di 2021](#)

[Aprizentason: Otus Prusesu di Admison di Distritu](#)

### **XAMADA A ORDEN**

Sr. Contompasis da inisiu a riunion. É anunsia ma staba dispunivel servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunés, Mandarin, Purtugés, Somali, Árabi, y Lingua Jestual Amerikanu (ASL); interpretis aprizenta y es da instrusons na sis lingua nativu sobri manera di asesá interpretason simultaniu através di mudansa di kanal di Zoom.

Sr<sup>a</sup>. Parvex fazi xamada. Katherine Grassa, Tamara Waite, y Dr. Freeman-Wisdom staba auzenti. Tudú kes otu menbru staba prizenti.

#### APRUVASON DI ATA DI RIUNION: tersa-fera, 30 di Marsu di 2021

*Apruvadu*— Forsa Tarefa aprova pa unanimidadi ata di riunion di Forsa Tarefa di 30 di Marsu di 2021 sobri Admisons a Skolas di Izami.

#### APRIZENTASON:

Sr<sup>a</sup>. Hogan aprizenta un vizon jeral di *Otus Prusesu di Admison di Distritu*. Sr<sup>a</sup>. Hogan kumesa pa aprizenta prusesu di Admisons Siletivu di Skola Sikundáriu di Chicago a fin di rispondi a alguns purguntas fetu na riunions antirior. É fla ma kes tréskritériu - GPA, NWEA Map test, y un izami di admison - ki é utilizadu na kandidaturas di Chicago é ponderadu igualmenti y konvitis dentu di niveis sosio-ikunómiku ta ser distribuidu pa kandidatus ku klasifikason más ilevadu dentu di eskalon. É fla tanbe ma site di distritu ta inklui un "kalkulador di pontus" pa djuda kandidatus ta intendi kal ki é pontuason kes mesti obten na izami di admison.

Sr. Acevedo ispresa interesi na forma komu prusesu kumunitáriu dikori na Chicago. Sr<sup>a</sup>. Sullivan insentiva menbrus a piskiza artigus sobri forma komu diferentis sidadis lida ku mudansas di admisons. Ko-Prizidentis konkorda ma sin ki Forsa Tarefa ridiji si rikumendason es ta gostaba di ten un seson di eskuta pa risebi feedback di kumunidadi, y fazi rivizons aprupriadu antis di aprizenta Kunité Skular un rikumendason final.

Di sigida, Sr<sup>a</sup>. Hogan aprizenta prusesu di admison utilizadu pa Skolas di Charlotte-Mecklenburg Schools na Carolina di Norti. Es distritu ta utiliza statutu sosio-ikunómiku na prusesu di lutaria pa prugramas magnétiku y infurmason ta ben di dos fonti: Senu/Inkérutu di Kumunidadi Amerikanu y infurmason auto-riportadu. Dadus di Senu/Inkérutu di Kumunidadi Amerikanu ta konsisti na abilidada di Lingua Ingleza, konpuzison familiar, rendimentu familiar, prupriedadi di kaza própriu, y nivel di skularidadi di pais. Infurmason auto-riportadu ta inklui rendimentu familiar, nivel di skularidadi, y numeru di minoris na agrigadu familiar. Atribuison di lugaris é fetu através di un sistema di lutaria.

Várius menbrus tinha purguntas sobri diferenza entri Skolas di Charlotte-Mecklenburg y skolas di izami di Boston Ms. Hogan splika ma é ka sabia modi ki skolas magnétiku era konsideradu, ma ke tinha konsentradu na diferentis formas ki otus distritu staba ta utiliza status sosio-ikunómiku na sis prusesu di inskrison.

Sr. Chernow purgunta si menbrus di Forsa Tarefa tinha txigadu a un konsensu ki Skolas di Izami mesteba manteba un pultika di testi o notas. Sr<sup>a</sup>. Sullivan splika kes ka tinha tidu un konversa komu Forsa Tarefa en relason a es keston. É fla tanbe ma es tinha tidu dos o más riunion antis des kumesa ta diskuti kes keston.

Sr. Contompasis kria sabeba si skolas nau-magnétiku tanbe tinha sidu prienxidu kun prusesu di lutaria y tanbe kel ki dadus ta mostraba en relason a distribuison di alunus na skolas magnétiku. Sr<sup>a</sup>. Hogan fla ma é ta kriditaba ma tinha un lutaria jeral y ma objetivu ku intruduson di status sosio-ikunómiku na si prusesu di lutaria era tenta diversifika status sosio-ikunómiku dentu di skolas. É ka sabia inpaktu na tudu mudansas ma é fla ma distritu skular di Charlotte-Mecklenburg tinha kumesadu ta fazi alguns análizi di inpaktu.

Sr<sup>a</sup>. Tung kistiona si fosi furnesidu un sigundu nivel di infurmason auto-riportadu pa odja modi ki alunus tinha ultrapasadu bareras, modi ki kela ta kontiseba na lutaria, un ves ki é ta baziaba apenas na status sosio-ikunómiku y nau na notas o testis. Sr<sup>a</sup>. Hogan rispondi ma é ka sabia modi ki era sis sistema antis, o si era un lutaria sen kualker priuridadi.

Sr. Contompasis fla ma Forsa Tarefa divia inisiaba un diskuson sobri kuzé ki es ta gostaba di odjaba komu un substitutu pa prusesu pruvizóriu. É lenbra menbrus prugramason di prósimus riunion, inkluidu riunion di 27 di Abril undi es ta bai obiba un aprizentason sobri Detroit Public Schools. É fla tanbe ma nun futuro riunion, Forsa Tarefa ta bai risebi un aprizentason di NWEA, ki ta bai da menbrus un oportunidadi di fazi purguntas ki ta jira en tornu di kredibilidadi des avaliason.

Sr. Contompasis kumenta tanbe me tinha stadu en kontaktu ku Chris Osgood, Xefi di Gabineti di Prizidenti di Kamara Janey, ta pidi asistensia di Sidadi en relason a dadus di setor sensitáriu y dadus di jeokódigu. É mensiona tanbe notas y avaliason y é fla ma tinha algun priokupason en relason a notas dividu a Covid-19 y ma Sr. Corey Harris, Risponsável di Gabineti di Prestason di Kontas, staba prizenti na riunion kazu menbrus tivesi duvidas.

Sr<sup>a</sup>. Sullivan purgunta Sr. Contompasis si é staba ta tenta intendi modi ki distritu staba ta asigura ki tudu alunus tinha rialmenti notas ki sa ta ser riportadu na sistema, na kazu di Forsa Tarefa opta pa rikumenda un prusesu ki ta inklui notas, es podi ten un konprienson di trabadju ki mesti ser fetu pa garanti ma tudu kriansas ta teni notas na sistema, o pa konfirma ki di faktu sistema sa ta funsiona sima pretendidu. Sr. Contompasis splika ma é sa ta djobeba konsistensia pa es ka sta ta utiliza un fator ki pudesi ka ser tualmenti kredivel. Sr<sup>a</sup>. Sullivan akrisenta mes mesteba staba atentus já ki es pudia apenas obten un fotu di kel ki staba ta kontisi dentu di Boston Public Schools, y es ka tinha un vizon di kuzé ki staba ta kontisi na skolas privadu, parukial, autónumu o duméstiku. Sr. Contompasis konklui ta fla, ma si es optaba pa utiliza notas, menbrus mesti xinti konfurtavel di ki kes nota é kredivel pa tudu alunus ki sta na rizerva. Sr<sup>a</sup>. Sullivan akrisenta me ka tinha serteza ma es ta bai konsigiba obten kes garantia.

Sr<sup>a</sup>. Lum akrisenta ma Dadus di Indisi di Oportunidadi tanbe ta podi ser útil, y ma es pudia utilizaba es infurmason pa furnesi algun tipu di sistema ponderadu en relason a notas, ma ki es podi tanbe ten en konta dadus di status sosio-ikunómiku di un forma más matizadu du ki apenas kódigu postal.

Sr. Contompasis fla ma é kria pa menbrus kumesaba ta pensa na tudu ki es obi y es lé, a fin des txiga a algun nivel di konsensu en tornu di kritérius kes ta pretendi stabelesi y si es ta atribui pezus a tudu kes kritériu. É fla mes tinha mensiunadu notas, avaliasons, setor sensitáriu, rendimentu familiar, etc. É mensiona tanbe mes sa ta trabadja nun sertu disvantajen, un ves ki es ka teni rizultadus di prusesu pruvizóriu.

Sr<sup>a</sup>. Acacia konkorda ma seria bon rifleti sobri kuzé ki menbrus ten stadu ta preni ti gosi, pes podi analiza komu un grupu, modi ki es kré utiliza diferentis paramitrus.

Sr. Contompasis fla ma si Forsa Tarefa konsigi txiga nun konsensu en relason a factoris ki es ta gostaba di konsidera , es podi pidi sidadi pa jiri dadus.

Sr<sup>a</sup>. Tung akrisenta ma inkuantu menbrus ta pensa na lista di kritérius o factoris, es divia tanbe pensa na es komu kritérius di ilejibilidadi versus kritérius di sileson, pamodi na txeu di izenplus kes odja, ten na rialidad di dos etapa nes prusesu.

Sr<sup>a</sup>. Skerritt akrisenta me staba mutu ansioza pe obi distritu sobri prusesu di pulitika tenpuráriu pamodi é ta kriditaba ma kela ta ta bai informaba alguns di sis rikumendason di li pa frenti. Alen disu, é fla tanbe me ta gostaba di obi atualizasons sobri kuzé kes sa ta odja ku notas. É fla me sta priokupadu ki, komu inda nu sta nun situason di pandimia, menbrus ta podi ten kritérius ki ta fazi sentidu a longu prazu, ma é ta gostaba di diskuti kuzé ki kela ta bai signifika durante un anu ki inda staba konprumitidu dividu a Covid-19.

Sr<sup>a</sup>. Tung kistiona si menbrus podia papiaba ku dizenvolvitoris di testi MCAS pa ifeitus di ilejibilidadi o sileson pa skolas di izami.

## KUMENTÁRIU DI PUBLIKU EN JERAL

- Martha Bergamaschi, rizidenti na Back Bay, mai di BPS, tistimunha a respetu di kualidadi di idukason na tudu skola di BPS y a favor di testi MAP.
- Katie McSweeny, mai di Boston Latin School (BLS), tistimunha ku ideas pa alkansa ikuidadi na admisons y iselensia akadémiku sen altera skolas di izami.

## KUMENTÁRIUS FINAL

Sr. Contompasis agradisi oradoris y menbrus pa riunion.

## ADIAMENTU

Pa volta di 18:40, Kumité vota pa unanimidadi, pa xamada numinal, adiamentu di riunion.

Atestadu:

Riunon Rimotu di Forsa Tarefa di Admisons na Skolas di Izami  
Zoom  
*tersa-fera, 13 di Abril di 2021*



Lena Parvex  
Asistenti Administrativu